

Lückentext Bäärger-Wörter «Tschutti-Match»

Letzt Samschtig ischd än Tschutti-Match uf dr Leita gsi. D'Sunna hed brutal ahabrennt. Scho vorem Match hän alli aso gschwitzt, dasch **bachnass** gsi sind.



Will d'Mama im Bett gläga ischd, will schi **malad** gsi ischd und d'**Strucha** kha hed und dr Täte im Lada **wäärcha** hed muassa, sind var Mama dr Bruadr und d'Schwöster mit mir uf da Tschuttiplatz.

Während mim Match ischd abr d'**Bäsi** mid da andra Frau ufm Platz am **tudara** gsi und dr **Vetter** ischd an Bratwurscht am **brända** gsi. Drum hän sie gar nid gseh, wo mir eine dr Hacka gstellt hed und ich drna, ungemeini **Priessch** lah ha muassa volutr **Weetig**. Z'**Augawas-ser** heds mr au as bizi us da Auga drückt.



Ich ha de muassa vam Platz und bi id Kabina ga duscha und mis normala **Hääss** ga alega. Wani derna äts ha wella ga trinka, hani aber gad dr **Höscher** uberkho.

Nahm Tschutti-Match bini zur Bäsi ga z'Night ässa und ha durfa an **Gschpaana** vom Tschutticlub ihlada. Döt heds Tatsch und grüani **Chifel** gäh. Wir hän nahm Ässa **vor Obertili** aha an paar Spielsaha ga hola durfa für verdussa. Döt häwr de au no dr Katza und am **Ralli** zuagluaged wia schi midanand **feia** tüand.